

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

# Khutba Eid-UL-Adha

HADHRAT MUHYI-UD-DIN AL-KHALIFATULLAH  
MUNIR AHMAD QZIM

02 Septembre 2017  
(10 Dhul-Hijjah 1438 AH)



*Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - et Eid Mubarak, Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba Bakr Eid lor « Ibrahim (as) - L'Exemple Totale de Fidélité »:*

Eid-ul-Adha commémore le grand sacrifice de Hazrat Ibrahim (as) et de Hazrat Ismail (as). Hazrat Ibrahim (as), c'est lui ki fine accompli tout droit de fidélité. Li fine complète so action. Li pas ti capave vine ene créature et serviteur intime d'Allah, si li pas ti ena la sincérité, la propreté et la

pureté, et li ti pour difficile pour li pou arrive à ene tel stage.

Hazrat Ibrahim (as), pour accomplir tout droit de fidélité, c'est kot li fine faire beaucoup zéffore pour purifier so lécoeur de 'Ghairullah' (tout saki na pas Allah) et rempli li avec l'amour d'Allah et alle d'après volonté d'Allah. Hazrat Ibrahim (as) fine faire sa persévérance là, sa fermeté là dans sa façon là, ki dans ene rêve li fine trouver ki li ti pé sacrifier so garçon. Donc, concernant sa rêve là, sa ti capave ena plusieurs interprétations, mais li so *Imaan* (la foi) lor so Créateur ti bien ferme ki li pas fine hésiter pour ene minute ou ene seconde pour sacrifier so jeune garçon avec so la main.

Réfléchi lor là. Mazine ene coup si ene dimoune so garçon mort à cause kit maladie, alors li capave arrive à sa stage kot li gagne beaucoup bane doutes lors Allah, et li ouvert so la bouche kot li fer des milliers de bane complaints et de bane objections contre Allah.

Donc, Hazrat Ibrahim (as) fine craze sa l'amour pour so garçon là kot li fine montrer so l'amour pour Allah (swt) avant tout. Sa qualité dimoune là, Allah pas laisse li perdi et li vine camarade d'Allah.

Kan ou lire le Quran Shariff, ou trouver ki quantité l'amour li ti ena pour Allah (swt) et aussi couma Allah (swt) en retour fine donne beaucoup de révélations et aussi dans so descendance fine ena prophètes dans tous les deux lignes, ki li de côté Hazrat Ismail (as) et Hazrat Ishaq (as). Sa ene leçon pour toute l'humanité, l'exemple de Hazrat Ibrahim (as), kot pour bizin montrer sincérité et fidélité. C'est pourquoi fine dire Ibrahim (as) c'est celui ki fine montrer fidélité et sincérité.

Donc, pour montrer sincérité avec Allah (swt), et ainsi ki vérité et fidélité, li demande ene la mort lors tous bane plaisirs mondaines et ou bizin prêt pour subir bane humiliations, bane difficultés pour la cause d'Allah et aussi craze tous sa bane idoles ki fine rentre dans lécoeur là. Sa bane idoles ki fine rentre dans lécoeur kot ou pé mort pou ou bane idoles, c'est sa ki bizin crazé. Idolâtrie pas veut dire ki seulement prier photo, statue, soleil, la lune etc. C'est vrai ki ou pas pé deboute devant tous sa là pour prier, mais ena bane lézot formes de idoles ki rentre dans ou lécoeur et kot Allah (swt) so l'amour vine en deuxième ou même troisième position. Azordi jour bane musulmans en générale et bane Ahmadis en particulier pas prend compte de séki Allah (swt) fine dire. Zot prend compte séki zot idole (zot Mullahs) ou Khalifa séki fine dire. Alors couma l'amour d'Allah pour

rentre dans ene tel lécoeur? Plito ou trouve la haine pour bane serviteurs d'Allah et l'amour pour bane ki attaché avec zot idole.

Zordi ou pé célébrer Eid-ul-Adha. Pas zis coupe zaimo et mange so la viande ki ena. Réfléchi lor sa grand Eid là kot c'est grâce à Hazrat Ibrahim (as) ki azordi Allah (swt) fine béni sa *Ummah* là avec ene grand **EID** à cause sa grand Qurbani ki Hazrat Ibrahim (as) ti faire. Allah (swt) ti conne lécoeur de Hazrat Ibrahim (as) ki même so propre garçon, so madame pas ti faire so l'amour pour Allah diminuer, malgré ki dans so l'âge bien avancé et kot li ti faire beaucoup de *duahs* pour gagne ene zenfant et ensam, fine testé li avec sa zenfant ki Allah fine donne li là, mais là aussi li passe sa grand test là et li croire dans so rêve ki li ti faire kot li pé sacrifié so garçon et li fine alle d'après sa rêve là même. Li accepté sacrifier so garçon mais pas perdi l'amour d'Allah (swt) et aussi li fine accepter toute sortes de difficultés mais à aucaine moment li pas fine renonce l'unicité d'Allah et alors guette ki kalité bane grand grand titres li ti recevoir de côté d'Allah, kot Allah dire:

**« Ibrahimallazi Waffa »** - *C'est Ibrahim ki fine montrer ene l'exemple totale de fidélité. (An-Najm 53: 38).*

Pas coumsa même li fine gagne sa. Toute longue so la vie li fine reste sincère, fidèle, rempli avec *Taqwa* (crainte pour Allah). Et aussi c'est avec ene lécoeur pure et propre ki li fine gagne sa titre là.

Donc, ou fine trouver, pour gagne bénédictions et bénéfices d'Allah, propreté du cœur, li bien important. Kan mo dire propreté du cœur, faudé ki dans nous lécoeur péna ene la grain moutard de *Shirk*, kot bane idoles pé faire zot la cazes dans ou lécoeur. Si ou laisse sa coumsa même, bé ou lécoeur pour vine la caze de bane idoles et sak moment sa bane idoles là pour manifester dans ou.

Dans l'année de 2000 kot la manifestation divine commencer, Allah (swt) révèle moi: *Purifier to lécoeur comme ene miroir.*

Ene miroir kot ou nettoye li propre kot pas pour ena aucaine tâche pour ou capave trouve ou figure bien. Comme sa même, bizin purifier lécoeur bien comme ene miroir. Kan Allah (swt) jette ene regard lor sa lécoeur là, péna aucaine tâche, aucaine aspect d'hypocrisie dans aucaine coin dans lécoeur. Kan ena ene tel lécoeur propre kot ou gagne manifestation d'Allah et tout noire vine blanc. Mais si

lécoeur encore ena bane tâche de idoles, ou lécoeur pour reste tâché même; pas pou trouve manifestation d'Allah là-dans et ni ou pou ena croyance dans la Manifestation Divine.

Lerlà même la haine pour filer dans lécoeur là. Remède là c'est ki bizin faire beaucoup *duahs*. Allah (swt) conner dans ki sanlà so lécoeur, kot kot ena bane idoles et kan Li envie, c'est Allah même ki pour retire sa, mais faudé ki ou sincère et fidèle envers Allah. Et sa *duah* ki ou pé fer là, pour sa ou bizin ena ene tel sincérité et véracité pareil couma Hazrat Ibrahim (as) fine montrer so sincérité et pareil couma Hazrat Muhammad (saws) fine montrer l'exemple. Kan ene dimoune suive sa l'exemple là, li vine ene dimoune bien béni, kan même dimounes humilié li, créer beaucoup problème pour li et Allah (swt) vini et lave sa bane humiliations là et soulage so bane problèmes et donne li so provision ki *Halal* (licite), kot Allah ouvert la porte de So la grâce et faveurs lors li et li vine ene héritier de bane bénédictions d'Allah. Allah (swt) vine So *Wali* (Gardien/ Protecteur/ Celui Qui prend tout so responsabilité). C'est Allah même ki conne situations de bane lécoeurs. Celui ki gagne vrai l'amour d'Allah, Allah même vine So protecteur.

Donc, kan ou lire Quran, kot Allah dire: **Qul sadaqallaah: fattabi-'uu Millata 'Ibrahiima haniifaa; wa maa kaana minal-mushrikiin.**

« Dire zot : 'Allah fine dire la vérité ; suive la religion d'Ibrahim, ki ti toujours pencher vers Allah, li pas ti parmi bane ki associer bane faux dieux à Allah.' » (Al-Imran 3: 96).

Mo fer *duah* ki sakaine parmi nous réfléchi ene tiguitte lor sa qualité soumission et sacrifices ki Hazrat Ibrahim (as) fine montrer là. Et guette aussi couma Allah fine accepter sa et fine récompense li. De la même façon, sak madame bizin réfléchi lor sa qualité soumission ki Hazrat Hajra (ra) fine montrer. Tous sa là, ti juste pour la cause d'Allah et Allah pas fine laisse li perdi. Bane zenfants aussi bizin mazine sa soumission totale de Hazrat Ismail (as) et li aussi Allah fine honore li pour tous les temps.

Donc, bane sacrifices ki faire sincèrement dans le chemin d'Allah jamais pas pour perdi. Mo fer *duah* à Allah ki Li accorde moi aussi et nous tous ensam sa vrai l'esprit de sacrifice là et ki kan nous faire quique sacrifice, ki Allah accepter li. *Insha-Allah, Ameen.*